

適園叢書

張宗祥



通國書舍



張氏藏

文

館

司

林

象

初

十

八

齊

日本文化中輯佚存叢書中有文館詞林四卷及守敬東渡
又訪得十四卷刻於古逸叢書中並得柏木政矩目錄一紙
稱是嘉永間小林辰所訪通計其國尙存三十卷有在淺草
文庫者有在西京大覺寺者皆不易傳錄守敬並刻此目以
待搜訪及古逸叢書已印成守敬差滿將歸晤博物館書記
官町田久成言淺草文庫所藏渠能爲我傳錄之迺得一百
五十二三百四十六四百一十四六百六十五

此卷古逸叢書所收不全

六百六十九共計五卷其第三百四十六卷後有校書殿寫
弘仁十四年歲次癸卯二月爲冷然院書攷冷然院爲日本
古藏書官庫藤原佐世見在書目卽據冷然院所藏編載弘
仁爲彼國嵯峨天皇年號其十四年當中國唐穆宗長慶三

年足見根源之古又有寶永元年甲申四月十五日寫當我朝康熙四十三年則又其傳錄之年月也其書屢經鈔寫譌誤頗多迺攜之歸凡見於史傳太平御覽藝文類聚初學記等書所引者悉爲比勘擇善而從其無可參證者闕焉吾宗棣初大令見而愛之並爲是正文字精寫而刻之合之佚存古逸所收共得二十卷其三百四十八之馬融廣成頌以已見融本傳及柏木政矩所藏五百七卷只存目錄仍不彙入其餘一百六十四百一十四四百五十七及卷名未詳殘簡一通在西京大覺寺又三百三十八四百五十五六百五十五六百九十三此四卷柏木政矩目錄已云未詳所在埵記於此俟後之人續訪焉光緒癸巳四月宜都楊守敬

文館詞林一千卷

現存

卷一百五十二

成都楊氏本

卷一百五十六

遵義黎氏本

卷一百五十七

黎氏本

卷一百五十八

楊氏只存目一葉董鈔本存首一葉刻獨鈔首二葉爲補足之

卷一百六十

董鈔本

卷三百四十六

楊氏本

卷三百四十七

黎氏本

卷四百一十四

楊氏本

卷四百五十二

同上

卷四百五十三

黎氏本

卷四百五十七

同上

卷四百五十九

佚存本

卷六百六十二

佚存本

卷六百六十四

同上 不全据董鈔本補足

卷六百六十五

楊氏本

卷六百六十六

黎氏本

卷六百六十七

同上

卷六百六十八

佚存本 不全

卷六百六十九

楊氏本

卷六百七十

黎氏本

卷六百九十一

同上補足一卷

黎氏得諸兩處一大字一小字

卷六百九十五

佚存本

卷六百九十九

黎氏本

殘簡一

殘簡二

天瀑跋

惺吾古逸跋

又

楊氏本跋

授經鈔本跋

文館詞林卷第一百五十二 詩十二

人部九 親屬贈答

贈答一 夫婦贈答

中書令太子賓客監修國史文館學士上柱國高陽郡開國公臣許敬宗等奉 敕撰

四言

親屬贈答

西晉潘岳贈王胄一首

西晉潘尼獻長安君安仁一首

贈司空掾安仁一首

西晉左思悼離贈妹二首

西晉陸機與弟清河雲一首

并序

西晉陸雲答兄機一首

宋陶潛贈長沙公族祖一首

并序

宋謝靈運贈從弟弘元一首

西答中書一首

西贈從弟弘元時爲中軍功曹住京一首

西贈安成一首

南齊王寂第五兄揖到太傅竟陵王屬奉一首

南齊王融贈族叔衛軍儉一首

梁昭明太子示徐州弟一首

梁王揖在齊答弟寂一首

夫婦贈答

後漢秦嘉贈婦一首

西晉孫楚贈婦胡母夫人別一首

四言

親屬贈答

贈王胄一首

西晉潘岳

微微髮膚受之父母我王侯中外之首子親伊姑我父惟

舅昆同瓜瓞志齊執友

其一

惟我王侯風節英茂執憲中朝剖

符名守配作此牧頻顯煩授徐以姻掇涼疾不就

其二

桓桓平

北帝之寵弟彬彬我兄敦書悅禮乃降厥資訓戎作楷誰謂

荼苦其甘如薺

其三

忠惟行本恭惟德基沈此舊疴不敢屢辭

命彼僕駕謂之輿之如彼孫子臍足乘輜

其四

朱鑣旣揚四轡

旣整駕言餞行告辭芒嶺情有遺延日無餘景迴轅南翔心

焉北騁

其五

獻長安君安仁一首

西晉潘尼

峩峩嵩岳有巖其峻奕奕茂宗載挺英雋仍代垂芳金聲玉

潤固天縱之膺期翼晉

其

翼晉伊何惟國之楨明理內照流

風外馨出敷五教入讚典刑黎人旣乂庶獄旣清

其

邦人宗

德朝野歸真乃銓國議乃綜彝倫優劣罔差褒貶齊均九流

順序百郡望塵

其

出不辭難處不悶滯望色斯聽溫言則厲

志在恤人損己濟代復宰舊都三命而逝

其

赫矣舊都實惟

西京人不安業盜賊公行帝用西顧朝簡英清僉曰我君勛

績維明

其

西京伊何實嶮實遐右帶汧隴東接三華我政旣

平我化惟嘉肅之斯威綏之斯和

其

卓公化密國僑相鄭名

垂載藉勛加百姓今在潘后實有惠政豈羨在昔於茲亦盛

其僕夫授策發軔皇都親戚鱗集祖餞盈塗嘉肴紛錯清酒

百壺飲者未醒宴不及娛其曜靈速邁王制難違投觴卽路

憂公忘私袞職有闕思君之歸將升皇極入侍紫微其否泰

靡常變通有時煌煌帝載俟君而熙願崇大業克俊良期屏

營懷慕舒憤獻詩其

贈司空掾安仁一首

西晉潘尼

桓桓上宰穆穆四門投綸滄海結網崑崙迅翼爭赴遊鱗競

奔美哉逸軌放轡無前其放轡伊何杖策來遊頡頏將相高

揖王侯華茂九春實繁三秋騁辭泉涌敷藻雲浮其表奇髻

亂成名弱冠令德內光文雅外煥幽冥必探凝滯必散終賈

杜口楊班韜翰其我車旣駕我弓旣招旣升尺木將遊雲霄

納言帝側正色皇朝華組鳴珮飛蟬曜貂

其四

人亦有言人惡

其上至樂貴和大禮宗敬泉不可凌必也心競伐善施勞先

人所病

其五

文侯焉軾干木在庭子奇何盛車有老成昔聞顏

子今也吾生克己復禮在貴不盈

其六

發采故鄉揚輝蓬宇文

繡煌煌衣裳楚楚何以會賓華門環堵何以備肴殺雞爲黍

其七

伊余鄙夫秩卑才朽溫溫恭人循循善誘坐則接茵行則

攜手義惟諸父好同朋友

其八

年時易逝進德苦晚嘉彼駿逸

愧此疲蹇雖欲望塵前驅遂遠解銜散轡徘徊吳阪

其九

收迹

衡門旋軫上京方事之殷以君之明緝熙台鼎協濟和羹岐

路多懷賦詩贈行

其十

悼離贈妹二首

西晉左思

鬱鬱岱青海濱所經陰精神靈爲祥爲禎我我令妹應期挺

生如蘭之秀如芝之榮總角岐嶷齟齬夙成比德古烈異代

同聲

其一

厥德伊何塞泉其慮厥聲伊何日新其譽幽思泉涌

乃詩乃賦飛翰雲浮摘藻星布光曜邦族名馳時路翼翼羣

媛是瞻是慕

其二

匪惟見慕善誘善導斟酌諸姬言成典誥匪

唯辭章多才多巧黼黻文繡幾微要妙積德彌高用心彌奧

伊我之閭晞妹之曜

其三

惟我惟妹寔惟同生早喪先妣恩百

常情女子有行實遠父兄骨肉之恩固有歸寧何悟離折隔

以天庭自我不見於今

一齡

其四

豈唯二齡相見未克雖同京

宇殊邈異國越鳥巢南胡馬仰北自然之戀禽獸罔忒仰瞻

參商沈憂內塞何以抒懷告情翰墨

其五

穆穆令妹有德有言才麗漢班明朗楚樊默識若記下筆成

篇行顯中閨名播八蕃

其一

以蘭之芳以膏之明永去骨肉內

充紫庭至情至念惟父惟兄悲其生離泣下交頸

其二

桓山之

鳥四子同巢將飛將散悲鳴忉忉惟彼禽鳥猶有號咷況我

同生載憂載勞

其三

將離將別置酒中堂銜杯不飲涕洟縱橫

會日何短隔日何長仰瞻曜靈愛此寸光

其四

何以爲贈勉以

列圖何以爲誠申以詩書去去在近上下歛歛合辭滿胸鬱

憤不舒

其五

燕燕之詩佇立以泣送爾涉塗涕泗交集雲往雨

絕瞻望弗及延佇中衢悵憶鳴咽

其六

旣乖旣離馳情髣髴何

寢不夢何行不想靜言永念形留神往憂思成疚結在精爽

其七其思伊何發言流淚其疚伊何寤寐驚悸詠爾文辭玩爾

手筆執書當面聊以永日

其

與弟清河雲一首

并序

西晉陸機

余夙年早孤與弟士龍銜恤喪庭續忝末緒墨經卽戎時並
縈髮悼心告別漸跼八載家邦顛覆凡厥同生凋落殆半收
迹之日感物興哀而士龍又先在西時迫當祖送二昆不容
逍遙銜痛東徂遺情慘愴故作是詩以寄其哀苦焉

於穆予宗稟精東岳誕育祖考造我南國南國克靖實繇洪
績惟帝念功載繁其錫其錫惟何玄冕袞衣金石假樂旄鉞
授威匪威是信稱丕遠德奕葉台衡扶帝紫極

其一

篤生二昆

克明克俊遵風結轍承風襲問帝曰欽哉纂戎烈祚雙組式
帶綏章載路卽命荆楚對揚休顧肇厥敏績武功聿舉烟煴